

清畫家詩史

第四册

清畫家詩史丁上目

錢載 弘 旼 熊之垣 朱文震 李 蕊

陳 汾 傅 雯 王廷魁 徐 堅 勒世馨

胡忠楨 顧文銜 韓李思 陳 燦 黃 霖

沈 甲 余尙炳 尙 綱 謝 棠 慶 蘭

吳思忠 查 羲 陳嘉樂 顧 晟 吉 福

陸 燿 范 榕 王 玟 蔣廷珪 慶 保

周 喆 甘運源 施學韓 余昂霄 仲鶴慶

倪承寬 邵廷鏞 張 慎 永 瑤 錢大昕

施養浩 明 亮 朱 衍 于宗瑛 厲 珍

曹庚	孫嘉駒	周縉	梁琦	吳繩基	許濱	甘天寵	濟哈納	魁倫
蔣汝恆	邱庭樹	秦儀	蔡宏勳	吳錫麟	年王臣	祝詰	李霽	吳霽
周鐸	姚錕	黃棠	巴慰祖	潘恭壽	張永祚	徐觀海	陳涵	董湖
	昇	黃潤	計瓚	王詰	王宸	采忠	張應均	楊華
	方元鹿	魏之琇	史震林	張五典	王文治	黃杜	蔣印元	李彩升

清畫家詩史丁

寧津李濬之響泉編輯

錢 載字坤一號堉石又號匏尊晚號萬松居士秀

水人乾隆壬申進士官禮部侍郎寫生得南樓老人傳又爲蔣恆軒弟子尤精蘭竹晚年致仕鬻畫別號百福老人有箠石齋集

蒲州

縹緲薰風何處臺汾陰后土亦荒哉維南太華三峯倚
自北黃河九曲來鶴雀樓高春幾劫王官谷靜瀑如雷
蒲州合爲潼關守犄角方成用險才

乾隆戊寅爲介野園少宗伯題太常仙蝶卷

奉常事重廊宇深暄風四月青槐森爰有綵蝶巢槐陰
鞬如丹砂檐黃金其羣則三大逾寸或隻或雙粉不褪
去秋去更來春來近百年來戀塵空鳳城佳勝蓬萊山
遨遊奚啻壺嶠間扇招卽集或睍顏脫欲捉之飛斑斕
飛飛飛望槐陰還少宗伯公攝奉常夙聞親睹簷牙陽
畫之尺幅蘼蕪香乞題皇子皇孫章時侍講讀于書房
皇仁氣協羣生樂春在昆蟲洵盛若升馨德以神人和
博物篇承雅頌作蝶兮亦嚮壇廊飛蝶兮從容展畫衣
上林柯葉凝朝暉飛飛彌覺芳霏霏

題迦陵先生填詞圖

髯也維摩搦湘管敷茵藉地肩非袒回看妙女捻瓊簫

芭蕉葉坐吹之緩

按圖中寫景此十字描畫宛肖

是月閏三春不短

禪人狂寫騷人誕

款云歲在戊午閏三月二十四日爲其翁維摩傳神釋汕

拋盡南

唐西蜀心看成減字偷聲伴碧雞金馬方洗兵公車待

詔開鳳城想見搜材徧巖穴千載一遇古莫京髯公江

東詞是名題者同徵多傑英盛朝采擢關文治芳翰流

連眷友生百年百年觀此卷花陰花陰吾數聲展就中

浙西六家孰先之絕愛小長蘆賦摸魚兒豈知後來鉛

山蔣家曲賽得前邊洪昉思

洪初題南曲七首乾隆辛巳蔣莘畬題北曲十一首

弘 昨字恕齋一字醉迂號一如居士又號瑤華道人清聖祖孫誠郡王允祕子山水宗董黃兼工花卉善篆隸有恕齋集醉墨軒詩鈔

柳波雲舫圖送述菴司寇予告南旋并系以詩

春風煙柳綠絲絲爲繫歸舟送別遲四十年來鴻雪蹟
三千里外樹雲思薦新櫻筍梅時雨感舊賓朋畫裏詩
桃李成陰身恰退名臣名士兩無虧

題畫

秋色暝前溪黃昏月影低攜筇看鴉陣歸路板橋西
澹月窺簾客未回候門童蠶炮燈灰清談良夜梅亭靜

汲取山泉煮茗來

詠張桂巖畫百合花

瓦注何妨種玉姿如蘭芳韻兩三枝天然太素無人識
寄語滄州老畫師

熊之垣字楚香自號江湖載酒人南昌人滌齋太史
孫因隨宦遊江浙間流寓秦淮從外弟吳之輔學
繪事兼工山水蘭竹書法香光

寫梅

一枝點就小庭幽淡絕丰神孰與儔記得夜闌新月上
暗香浮動爲誰留

朱文震字去羨號青雷又號青藟山東歷城人官詹
事府主簿早歲究心篆隸獨游曲阜觀碑入太學
摹石鼓文師事鄭板橋爲紫瓊崖主人所賞識始
從學花鳥後專精山水幾奪麓臺石谷之席喜搜
集古印工篆刻嘗自鑄印曰紫瑤弟子

畫中十哲歌敬梅村先生

廣陵逸士高鳳岡畫筆直欲追倪黃蕭然門巷無堵牆
高鳳岡翔老阜刻意摹羣芳有時圖山更兀蒼病餘尙左誰
能方一官漂泊浮江湘高老阜鳳翰風流澹蕩李奉常南宗

北宗兼擅場品隲畫類尤精詳

李穀齋世倬

紫瑤三絕名素

彰天機敏妙腕力强尺幅動欲浮千觴紫瑤慎靖郡王南華山

人江左張盤礴下筆如顛狂往往獨自呈明光張南華鵬翀

李公初鳳鳴朝陽作圖犀利筆劍鋸睥視凜凜含風霜

李夔園師中東山學士家法良北苑玄宰分毫芒董東山青

震瑯琊大道王足繭萬里胸包藏蜀山粵水勤皴勳王

震延格陳生市隱同賣漿鵲華秋色歸湖鄉陳子顯嘉樂建卿

使酒時低昂煙巒淹靄草木香王空老雙松旁張建卿士

英自跋云詩作於庚申或締交已久或私淑諸人率爾成篇無心軒輊

過揚子江

笑對蓬窗酒一罍黃梅時節恰揚舫憑君說盡風波惡

貪看金焦漫不聽

李 勣字嘯村安徽懷寧人諸生工詩善山水兼精
翎毛花卉嘗爲盧雅雨畫虹橋攬勝圖著稱於時
賣花吟

牽枝帶葉復連根辛苦擔來自遠村老圃不如雙粉蝶
相隨猶得入朱門

過廢園

誰家亭院自成春窗有莓苔案有塵偏是關心鄰舍犬
隔牆猶吠折花人

登齊山

在池州城南巖洞奇勝
唐杜牧爲刺史嘗登之

煙雲不向此間收
大悔輪蹄是浪遊
畢竟山空呼卽應
果然石好拜難休
未霜天近孤城晚
欲雨風先萬樹秋
洞口杜家遺跡在
老僧指點說從頭

題雅雨先生借書圖

旋假旋歸未得閒
十行俱下片時間
百城深入便便腹
却抵荊州借不還

題唐懷仁集字聖教序

右軍未與序相謀
奉勅沙門苦校讎
墨跡頓成唐代寶
霜豪猶帶晉時秋
停勻字集千狐腋
鄭重碑傳七佛頭
一自蘭亭無善本
眞詮惟向此中求

陳 汾字晉陽號墨泉蕭山監生工書畫有怡園詩

鈔

寫雪窗待酒圖題句

朔風一夜鳴簷隙吹落天花積盈尺窗前失却舊山青
只見遙空聳銀壁須詠千篇飲百斛呼童急向前邨沽
天寒日暮行蹤絕不識溪橋有徑無

傅 雯字紫來號凱亭奉天廣寧人家閭山之陽爲

忠毅公三世孫善指墨師高且園乾隆時嘗奉勅

爲京師慈仁寺畫勝果妙因圖大橫幀高丈許閱

二丈餘寫如來羅漢百餘尊又法源寺藏所畫現

身說法應真像三十餘軸具有古法

題畫

呼兒牽衛子去去板橋東紫蠓黃花約秋盤候社翁
都道山如畫我今畫作山心同止水靜身與白雲閒

王廷魁字岡齡號盤溪吳縣貢生工詩爲沈文憲公
門下士山水師文衡山所居小停雲館多藏弄文
氏真跡有小停雲館倡和諸集

爲家蘭泉司寇畫三泖漁莊圖

泖湖東去碧迢迢矮屋垂楊舊板橋何日竹弓同射鴨
瓜皮艇子晚迎潮

圓沙曲渚白雲居九點遙峯畫不如爲愛菰蒲煙水闊
秋風釣得季鷹魚

題畫贈惠定宇徵君

棟

水北花南一徑通松風謾謾響高空夕陽荷鋤來雲外
知是山中采藥翁

徐 堅字孝先號友竹又號親亭一號親園晚號澡
雪老人吳縣貢生家光福里自署鄧尉山人嘗游
畢秋帆陸朗夫幕中山水筆墨蒼厚幾入麓臺之
室工隸書精篆刻有親園詩鈔

題畫

湖上幽棲好深林靜掩門蒹葭秋水岸楓柏夕陽邨
菽
愿遠塵境蕭條無世喧一椽容小隱吾欲傍東垣

聞雁有感

塞北天南渺我思一行久已歎差池何如飄泊江湖日
猶有羣飛共啄時

勒世馨字素亭滿洲人湖廣總督鄂文恭公彌達子
官主事性恬退工書畫

爲郭昆甫作抱犢圖昆甫爲作詩序並酬以扇
儼然燕石換瓊琚搖蕩秋心暑頓除聞道百錢求六角
須防人識右軍書

夜半

落葉吟蛩不可聽塵勞一覺颯然醒浮名誤盡人頭白
壯氣銷來劍影青藤簾怯秋涼似水鎗花支夜暗如螢
悲歌自分成匏繫悔煞前生骨不靈

胡忠楨字貞木山陰人善寫蘭嘗客天津查心穀之
水西莊

自題畫蘭

翛然清思寄湘蘭素月初澄影未端欲向香林寫蕉萃
夜深翠羽不禁寒

顧文銜字蘆汀蘇州人松交吏部五世孫工山水善